




Rabu, 04 Nopember 2020
Ogen: Jeremia 36 : 27-32



Ukumen Man Si La Patuh



Patah tumbuh hilang berganti, patah satu tumbuh seribu, bageme megati lit belas-belas sinuriken kerna labo terbeneken ntah terbunuh kalak si mehuli ras perbahanen simehuli. Ikernepken pe reh ka nge sideban, sanga lit denga kegeluhen doni enda, tetap nge kebenaran ras kebujuren langa bo terbeneken amin nterem kalak si ersura-sura menehekenca.

Bageme umputen renungenta paksa enda, kenca wari si nderbih, gulungen kitab si isuratken Baruh sekretaris Jeremia ikeret ras itutung raja Joyakim dengen Jeremia ras Baruh idarami, Tuhan tetap ngarak-ngarak geluh suruh-suruhenNa. Tuhan nuruh Jeremia muat gulungen sideban lako tole nuratken kata Dibata. Isehken Tuhan hukuman man raja Joyakim maka iukum ia ras kesusurena, lanai lit kesusurena sijadi raja ibas kerajan Daud. Bangkena pe pepagi iambengken ku bas ingan si iparpari las matawari tupung suari ras embun tupung berngi. Bagepe kerina kalak Juda rikut ras pegawai-pegawaina sabap la megiken persinget Dibata. Isehken Jeremia arah kitab si isuratken Baruh sekretarisna, amin itutung isuratken denga ka, Jeremia ntah Baruh mate pasti kalak sideban ka pe banci isuruh Dibata guna ndahikenca.

Kata persinget tetap isehken Dibata arah persuruhenna man banta, kuga kita ngaloken persinget janah banci robah i bas si la payo dengen erjuang gelah geluhta reh ulina, enda me sipenting. Siingetlah labo kebetulen ibere Dibata kesempatan geluh man banta, kerina lit sura-sura Dibata arah e, lit si ipakena nehken kata ras pedahna tutusi, lit si ipersingetina ibas si la bujur, waktu ras kesempatan ibere Dibata gelah jera, lit ka si enggo latih iakap mpersingetisa tapi la jera-jera, banci saja isehken ukumen gelah dalam jera. Metenget, siapai pe kit aula kal pediat kita nggeluh tetap ibas dosa. Jeralah!

Amin reh pe ukumen, e tanda keleng ate Dibata